

Gudnejahtton Suoma presideanta, Suomabeal sámidikki presideanta ja dikki lahttut ja buorit guossit!

Ruotabeal sámidikki bealis sávan ahte easká välljejuvvon Suomabeal sámidikki lahttut nannosit ja buriin movttain ovddidit sámi áššiid Suoma bealde. Mii, geat leat beassan sámidikkiid lahttun, leat ožžon luohttámuša iežamet álbmogis nannet ja ovddidit sámiid eallindili, kultuvrra ja giela.

Mii beassat maid Sámi párlamentáralaš ráđi bakte bargat ovttas riikarájiid rastá. Sámidikkiin lea iešguđetlágán lágalaš vuodđu ja stáhtus riikkaid stivrejumi ektui. Ruotabeal sámidiggi lea ovdamearkan ráđđehusa vuollásaš orgána. Nu ii leat Norgga ii ge Suoma bealde. Sámidikkít eai ge välljejuvvo seammá ládje. Ruotabealde mis leat gávccí bellodaga dikkis ja oba riika lea oktan välljenguovllun. Norgga ja Suoma bealde leat fas välljenguovllut. Dasa lassin leat dušše Suoma bealde ovttaskas olbmot evttohassan ja nu lehpét dál, Suomabeal lahttut, ovddasteami iežadet sámipolihtkalaš oainnu mii dál bures ovttastuvvo oktan politihkkan ja doaimman. Ruoššabeal Sámis sámidiggi ii leat vel virggálaččat dohkkehuvvon, vaikko lea vuodđoduvvon. Ruoššabeal sámít leat mielde min parlamentaralaš ovttasbarggus iežaset servviid bakte.

Sajos, lea dál ceaggánan ja viháhuvvo Suoma sámiid guovddášsadjin juste dakko gokko olmmošjohtolagat Eanodagas, Soađegilis ja Ohccejogas čatnasit oktii dás Anáris. Mii doaimvut ahte Suoma sámidiggi dál lea ožžon oidnovaš ja vuogas báikki iežas doaimmaide ja čoahkkimiidda. Ruota sámidikki bealis vuordán beassat bohtit deike dávjá boahtteáiggis oazžut buriid ráđiid, šiehtadallat ja dahkat ovddosdoalvu aktasaš mearrádusaid.

Muitun otná beaivái mii addit maid unna skeaŋkkaža. Njuohtama lea Ulrika Tapio Blind dahkan ja das lea namman "Násttit".

Buorre lihku!